

## 1. grein

Heiti félagsins er Nemendafélag Grunnskólans á Ísafirði. Heimili og varnarþing er í Ísafjarðarbæ.

## 2. grein

Félagið er samtök nemenda í 8.-10. bekk Grunnskólans á Ísafirði. Markmið þess er að efla og bæta samskipti nemenda. Félagið kys sér stjórn sem vinnur að:

- a) hagsmunagæslu nemenda
- b) félags- og tómstundamálum nemenda innan skólans og félagsmiðstöðvarinnar.

## 3. grein

Aðilar að félaginu eru allir nemendur í 8. – 10. bekk. Nemendur verða félagar um leið og þeir hefja nám í áðurnefndum bekkjardeildum. Óski nemandi að standa utan við félagið, skal hann tilkynna það til stjórnar.

## 4. grein

Aðalfund skal halda í maí ár hvert. Rétt til setu á aðalfundi hafa nemendur í 7. – 9. bekk ásamt stjórn nemendafélags. Hver aðili hefur eitt atkvæði er til atkvæðagreiðslu kemur. Tillögur um breytingar á lögum félagsins þurfa að hafa borist til aðalstjórnar eigi síðar en 15 dögum fyrir aðalfund. Tillögur skal strax kynna félögum með auglýsingu eða dreifibréfi.

### Dagskrá aðalfundar:

1. Skýrsla stjórnar og nefnda.
2. Ársreikningar félagsins lagðir fram til samþykktar.
3. Inntaka nýrra félaga (7. bekkur).
4. Lagabreytingar.
5. Kosning formanns og varaformanns samkvæmt 5. grein laga félagsins.
6. Önnur mál.

## 5. grein

Stjórn félagsins skal kosin í upphafi skóla ár hvert. Þó skal kjósa formann og varaformann félagsins á aðalfundi. Kjósa skal:

Fjóra fulltrúa úr hverjum árgangi (8.-10. bekk). Tvo drengi og tvær stúlkur.

Stjórnin skipti með sér verkum og skal skipa:

- a) ritara
- b) gjaldkera
- c) meðstjórnendur
- d) varastjórn (varafulltrúa)
- e) endurskoðendur reikninga og starfs félagsins.

Stjórnarmenn sitja eitt kjörtímabil í senn (ágúst-júní). Kjósa má sama aðila til stjórnarsetu þrjú ár í röð. Stjórnin setur starfsreglur um stjórnarfundum á fyrsta fundi á haustin. Fundur telst lögmætur ef helmingur stjórnarmanna eða fleiri mæta. Meirihluti atkvæða ræður afgreiðslu mála á stjórnarfundum.

## 6. grein.

Stjórnarmenn þurfa að axla ábyrgð á starfi sínu, sinna trúnaðarskyldum við bekkjarfélaga sína og vera til fyrirmyndar í framkomu og reglusemi. Hlutverk stjórnarmanna eru sem hér segir:

Formaður ber ábyrgð á að:

1. –virkja sem flesta nemendur til starfa.
2. –undirbúa nemendaráðsfundi og stjórna þeim í samvinnu við yfirmann félagsmiðstöðvar og/eða fulltrúa skóla
3. - starfsemi nemendafélagsins sé vel skipulögð og fari vel fram.
4. –nemendur séu upplýstir um tilgang og markmið félagsins.
5. – lögum félagsins og samþykktum nemendaráðs sé framfylgt.
6. – öll erindi sem berast félaginu séu afgreidd svo fljótt sem kostur er.
7. – koma fram fyrir hönd félagsins út á við og vera málsvari þess.
8. –nemendur geti metið störf nemendaráðs og viðrað skoðanir sínar á þeim.

Varaformaður:

aðstoðar formann og stjórnar í forföllum hans. Hann þarf að geta tekið við störfum félagsins með skömmum fyrirvara. Varaformaður er oft tengiliður stjórnar og ýmissa nefnda sem starfa á vegum félagsins. Hann þarf að geta tekið að sér umsjón ákveðinna verkefna félagsins.

Gjaldkeri, hlutverk hans er að:

- 1.- semja ársreikninga nemendasjóðs í lok skólaársins.
2. –hafa umsjón með fjáröflun félagsins.
3. –innheimta aðgangseyri að skemmtunum og nemendafélagsgjöld (s.br. 9.grein)
4. –greiða gjöld félagsins og innheimta skuldir
5. –hafa yfirlit yfir fjárreiður félagsins.
- 6.- ráðstafa tekjum félagsins ásamt stjórnendum félagsmiðstöðvar og/eða skóla.

Ritari, hlutverk hans er að:

1. –sjá um bréfaskriftir fyrir nemendafélagið.
2. –gefa út skýrslu um starf félagsins.
3. –taka saman fréttatilkynningar til fjölmiðla.

Aðrir stjórnarmenn skipta með sér verkum sem nemendaráð setur sér að framkvæma í byrjum hvers starfsárs. s.s. umsjón með ýmsum nefndum og ráðum s.br. 7. grein félagslaga.

## 7. grein

Stjórn félagsins getur skipað eða látið kjósa í nefndir eða ráð sem sinna einstökum þáttum í starfsemi félagsins, s.s. íþróttaráð, diskóráð, sölunefnd o.s.frv. Stjórninni ber að setja upp yfirlit um starfsskyldur og markmið nefndanna.

## 8. grein

Ef stjórnarmanni hefur verið vikið úr skóla vegna brota á reglum hans, eða vegna lélegrar mætingar, skal hann jafnframt víkja setu úr nemendaráði. Til alvarlegra brota telst t.d. áfengisneysla í eða við skólann, innbrot eða skemmdarverk á eignum skólans, alvarlegir samskiptabrestir við starfsfólk skóla eða félagsmiðstöðvar o.s. frv.

Skólastjórn ásamt forstöðumanni Félagsmiðstöðvar metur alvarleika brota.

Einnig skal stjórnarmaður víkja ef mikil óánægja eða óvild skapast vegna starfa hans og framkomu. Þó ber að gefa stjórnarmönnum kost á að bæta sig eða segja af sér að fyrra bragði.

## 9. grein

Stjórn félagsins getur sinnt ákveðinni fjáröflun fyrir félagið. Hún hefur leyfi til þess að setja á frjáls félagsgjöld (afsláttarkort), halda skemmtanir til fjáröflunar, reka smásölu og fleira sem til fellur. Gjaldkeri skal halda utan um fjármálin, greiða reikninga og standa skil á fjárreiðum. Kjósa skal endurskoðendur s.br. 5. grein félagslaga, sem yfirfara reikninga félagsins og ber stjórninni að leggja þá fram á aðalfundi til samþykktar.

# Félagsslög nemendafélags Grunnskólans á Ásafirði samþ. 8/5 '13

---

Því fjármagni sem safnast í sjóði félagsins skal ráðstafa til greiðslu á ýmsum dagskrárliðum og uppákomum sem félagið stendur að. Ef vafi leikur á því hvort eðlilegt sé að fara út í ákveðin fjárútlát skal kalla saman aukafund hjá félaginu og bera útlátin undir félagsmenn.

Bera þarf öll stærri útlát undir skólastjóra eða forstöðumann félagsmiðstöðvar, s.br. hlutverk gjaldkera í 6. grein félagslaga og kynna þeim fjárreiður félagsins svo oft sem þurfa þykir. Stjórnarmenn geri sér grein fyrir því að áðurnefndir aðilar eru ábyrgir fyrir fjárreiðum og störfum félagsins.

## 10. grein

Endurskoðendur ber að kjósa á aðalfundi þeir fylgjast með því að ráðstafandir fjár séu samkvæmt samþykktum félagsins.

## 11. grein

Ábyrgð á framgangi og framkvæmd laga félagsins er í höndum stjórnarmanna, skólastjóra Grunnskólans á Ásafirði, kennararáðs, forstöðumanns Félagsmiðstöðvar og umsjónarmanns félagsstarfs.

## 12. grein

Ef grundvöllur fyrir starfsemi félagsins brestur t.d. vegna áhugaleysis nemenda, ber að stokka starfsemi þess upp eða slíta því.